



MØTEPROTOKOLL

Utval: Formannskapet
Møtedato 03.09.2020
Møtetid: Kl. 15:00 - 19:35
Møtestad: Biblioteket på Bjørkheim

Av 9 medlemmer møtte 9, inkludert varamedlemmer.

Medlemmer møtte:	Parti:
Jon Magne Borgevik	Ap
Shirin Kvernes Khadoor	Ap
Knut Harald Frøland	Bl
Lena Tveit	Bl
Martin Haugen	Bl
Odd Arne Haga	Frp
Gunn Totland Moss	KrF
Øyvind Strømmen	MDG
Øyvind Røen	Sp

Møtenotater:

Andre som var til stades på møtet:

- Ingebjørg Vamråk, rådmann
- Jan Erik Boge, leiande rådgjevar
- Pål Strand, rådgjevar/jurist
- Bodil Helliesen Øpstebo, rådgjevar oppvekst (under orientering om Samnanger barneskule)
- Eli Kristin Berge, rektor/einingsleiar Samnanger barneskule (under orientering om Samnanger barneskule)
- Meline Heimdal Haugland, einingsleiar innbyggarservice (under sak 026)
- Nils Jonny Skar, avdelingsleiar teknisk drift (under sak 030, 031 og 032)

Sak 030, 031 og 032 vart handsama mellom sak 026 og 027.

Øyvind Røen (Sp) fekk permisjon frå møtet frå kl. 18:50. Han deltok derfor ikkje i handsaminga av sak 035 og 036.

Vedlegg til møteprotokollen:

- Lysark frå orientering ved rådgjevar oppvekst og rektor/einingsleiar Samnanger barneskule

Møteleiar:	Knut Harald Frøland
Møtesekretær:	Jan Erik Boge

Underskrift frå utvalsleiar og møtesekretær:

Tysse, 09.09.2020

Knut Harald Frøland
ordførar

Jan Erik Boge
leiande rådgjevar

Desse sakene vart handsama:

Sakliste

Sak nr.	Arkivsak	Sakstittel	Merknad
025/2020	20/734	Faste saker	
026/2020	19/1040	Plassering av dagsturhytta og val av tilleggselement	
027/2020	18/693	Vilkår for oppseiing av leigeavtalar i omsorgsbustader	
028/2020	18/1787	Høyringsframlegg til forskrift om økonomisk godtgjersle, dekking av utgifter m.m. for folkevalde i Samnanger kommune	
029/2020	18/1787	Revisjon av delegeringsreglement for Samnanger kommune - framdriftsplan	
030/2020	19/455	Bruk av ekstratilskot i 2020 til vedlikehald, rehabilitering og oppgradering av kommunal infrastruktur	
031/2020	20/355	Heis på kommunehuset	
032/2020	20/131	Branntankbil - Anbod og bestilling	
033/2020	19/255	Statuttar for bruk av pengegåver til kommunal gåvekonto	
034/2020	19/255	Vurdering av eventuell stemning med krav om erstatning mot tidlegare barnevernsleiar, fylkesnemnda og tingretten	
035/2020	20/605	Plan og budsjett til førebuingssfasen for å byggja opp eige barnevern i Samnanger	
036/2020	20/418	Premiss budsjett 2021 og økonomiplan 2021-2024	

SAKNR. 025/2020: Faste saker

03.09.2020 Formannskapet:

Handsaming i møtet:

Godkjenning av møteinnkalling og sakliste

Ordførar Knut Harald Frøland (Bl) foreslo å endra på rekkefølga på nokre av sakene på saklista. Han foreslo at saknr. 030, 031 og 032 vart handsama rett etter sak 026. Formannskapet slutta seg til dette.

Ordføraren orienterte òg om at sakene om sals- og skjenkeløyve som det var planlagt å handsama i formannskapsmøtet, likevel ikkje kom opp fordi administrasjonen ventar på uttale frå politiet til søknadane. Dette har også skjedd fleire gongar tidlegare i saker om sals- og skjenkeløyve. Ordføraren sa at han meiner det er behov for å få på plass klare køyrereglar for prosessen med søknader om sals- og skjenkeløyve, for å unngå dette problemet.

Ordføraren ønska òg den nye rådmannen, Ingebjørg Vamråk, velkommen til kommunen.

Det var ingen andre kommentarar eller spørsmål til møteinnkallinga eller saklista.

Orienteringssaker

Orientering frå rådgjevar oppvekst og rektor/einingsleiar ved Samnanger barneskule

Rådgjevar Bodil Helliesen Øpstebø og rektor/einingsleiar Eli Kristin Berge orienterte om mellom anna satsingsområde, målsettingar og utfordringar for barneskulen. Etter orienteringa svarte dei på spørsmål frå formannskapet. Lysarka frå orienteringa følgjer som vedlegg til møteprotokollen.

Status VA og gang- og sykkelveg i Eikedalen

Avdelingsleiar teknisk drift, Nils Jonny Skar, orienterte kort om status i saka. Meir informasjon vil bli gitt i neste formannskapsmøte.

Status Fossen bratte, tunnel Kvamskogen, moglegheitsstudie Bjørkheimsområdet og moglegheitsstudie 1-10 skule/idrettshall

Ordførar Knut Harald Frøland (Bl) bad om at det blir orientert om status i desse sakene i kommunestyret 16.09.2020.

Utvalet sitt kvarter

Økonomistatus

Spørsmål frå Jon Magne Bøgevik om status for bruk av ekstramidlar korona m.m. Rådmann Ingebjørg Vamråk orienterte om at administrasjonen ikkje har hatt kapasitet til å utarbeida informasjon om dette til formannskapsmøtet 03.09.2020. Rådgjevar Jan Erik Bøge orienterte om at sak om økonomirapportering vil verta lagt fram i kommunestyret 16.09.2020.

Rapport varslingsak Samnanger barneskule

Jon Magne Bøgevik etterlyste Deloitte sin rapport frå varslingsaka ved barneskulen. Ordføraren orienterte om at kontrollutvalet vil leggja fram rapporten for kommunestyret 16.09.2020.

Statuttar påkoplingsavgift til kommunalt vassverk

Jon Magne Bøgevik (Ap) etterlyste statuttar for maksimumsbetaling for påkopling til kommunalt vassverk. Ordførar Knut Harald Frøland (Bl) orienterte om at maksimumssats på 100 000 koner vart vedteke av kommunestyret i samband med handsaming av ein interpellasjon for ei tid tilbake. Formannskapet etterlyser sak frå administrasjonen med forslag til statuttar/nærmare reglar for dette.

Status sak om Krekavegen

Rådgjevar Pål Strand orienterte kort om status i saka. Det er sett opp mekling i saka i haust. Dersom dette ikkje gir resultat, er det beramma hovudforhandling i saka (rettssak) våren 2021.

Status sak om Nyutløtrævegen

Gunn Totland Moss (KrFI) spurde om status i tvisten om Nyutlætrævegen. Rådgjevar Pål Strand orienterte om at det er beramma dato for hovudforhandling i denne saka.

FORM- 025/2020 Vedtak:

Møteinnkallinga og saklista vert godkjent.

Rådmannen sitt framlegg til vedtak:

- Møteinnkallinga og saklista vert godkjent.
- Delegerte vedtak/referatsaker vert tekne til orientering.

SAKNR. 026/2020: Plassering av dagsturhytta og val av tilleggselement

03.09.2020 Formannskapet:

Handsaming i møtet:

Innleiingsvis orienterte einingsleiar innbyggarservice, Meline Heimdal Haugland, om saka. Ho svarte òg på spørsmål frå medlemmene i formannskapet.

Jon Magne Bøgevik (Ap) viste til at ubundne investeringsfond er foreslått som delfinansiering i saka, og spurde om kvar midlane på fondet/fonda er komne frå og kva midlane opprinneleg var tenkt brukte til. Administrasjonen kunne ikkje svara på dette i møtet. Formannskapet bad administrasjonen om å orientera om dette i kommunestyret 16.09.2020.

Øyvind Røen (Sp) bad om at det til kommunestyret si handsaming 16.09.2020 vert lagt fram meir informasjon om kva konsekvensar ei eventuell dagsturhytte i Kvernesmarka vil få for Prestavegen som kulturminne. Administrasjonen fekk i oppgåve å undersøkje både dette og nøyaktig kva vegdekke som er tenkt brukt.

Odd Arne Haga (Frp) etterlyste informasjon om kva driftskostnader kommunen vil få med ei eventuell dagsturhytte. Formannskapet bad administrasjonen om å orientera om dette i kommunestyret 16.09.2020.

Rådmannen sitt framlegg vart vedteke med 7 mot 2 røyster.

For	Imot
Knut Harald Frøland (Bl)	Øyvind Røen (Sp)
Lena Tveit (Bl)	Odd Arne Haga (Frp)
Martin Haugen (Bl)	
Shirin Kvernes Khadoor (Ap)	
Jon Magne Bøgevik (Ap)	
Gunn Totland Moss (Krf)	
Øyvind Strømmen (MDG)	

FORM- 026/2020 Vedtak:

Dagsturhytta vert plassert ved Kvernesvatnet. Tilkomsten vert gjort tilgjengeleg for elektrisk rullestol, med lys langs turløypa, og det vert sett opp toalettløysing med høg grad av tilgjenge.

Totalkostnad	kr 3 025 000
Kommunal eigendel	kr 698 000
Forskottering spelemidlar	kr 1 298 000

Jamfør KS-vedtak 084/2019 er det sett av kr 100 000 til dagsturhytta som vert finansiert ved bruk av ubundne investeringsfond. Resterande kommunal eigendel på kr 598 000 vert også finansiert med ubundne investeringsfond. Kommunen søkjer om totalt kr 1 298 000 i spelemidlar i 2020 som må forskotterast. Forskottering vert finansiert med ubundne investeringsfond og tilbakeført når spelemidlane vert utbetalt. Me kan forventa utbetaling innan 2023.

Rådmannen sitt framlegg til vedtak:

Dagsturhytta vert plassert ved Kvernesvatnet. Tilkomsten vert gjort tilgjengeleg for elektrisk rullestol, med lys langs turløypa, og det vert sett opp toalettløysing med høg grad av tilgjenge.

Totalkostnad	kr 3 025 000
Kommunal eigendel	kr 698 000
Forskottering spelemidlar	kr 1 298 000

Jamfør KS-vedtak 084/2019 er det sett av kr 100 000 til dagsturhytta som vert finansiert ved bruk av ubundne investeringsfond. Resterande kommunal eigendel på kr 598 000 vert også finansiert med ubundne investeringsfond. Kommunen søkjer om totalt kr 1 298 000 i spelemidlar i 2020 som må forskotterast. Forskottering vert finansiert med ubundne investeringsfond og tilbakeført når spelemidlane vert utbetalt. Me kan forventa utbetaling innan 2023.

SAKNR. 027/2020: Vilkår for oppseiing av leigeavtalar i omsorgsbustader**03.09.2020 Formannskapet:**

Handsaming i møtet:

Medlemmene i formannskapet sette fram følgjande fellesframlegg til vedtak:

«Det vert med verknad frå 01.01.2021 gjort følgjande endring i avtalevilkåra for utleige av kommunale omsorgsbustader i Samnanger:

- Som hovudregel gjeld ein oppseiingsfrist for kvar av partane på tre månader. Oppseiingstida går frå dato til dato.*
- For leigetakarar som flyttar til institusjon/sjukeheim eller dør, gjeld ein oppseiingsfrist på ein månad. Oppseiingstida går frå dato til dato. Denne oppseiingsfristen gjeld berre ved oppseiing frå leigetakar/leigetakar sine pårørande, ikkje ved oppseiing frå kommunen.*

Dersom nokon noverande leigetakarar ikkje godtek denne endringa i avtalevilkår, vil oppseiingsvilkåra i den noverande husleigeavtalen framleis gjelda.»

Fellesframlegget er identisk med Alternativ 2 i administrasjonen si saksutgreiing.

Fellesframlegget vart samrøystes vedteke.

FORM- 027/2020 Vedtak:

Det vert med verknad frå 01.01.2021 gjort følgjande endring i avtalevilkåra for utleige av kommunale omsorgsbustader i Samnanger:

- Som hovudregel gjeld ein oppseiingsfrist for kvar av partane på tre månader. Oppseiingstida går frå dato til dato.
- For leigetakarar som flyttar til institusjon/sjukeheim eller dør, gjeld ein oppseiingsfrist på ein månad. Oppseiingstida går frå dato til dato. Denne oppseiingsfristen gjeld berre ved oppseiing frå leigetakar/leigetakar sine pårørande, ikkje ved oppseiing frå kommunen.

Dersom nokon noverande leigetakarar ikkje godtek denne endringa i avtalevilkår, vil oppseiingsvilkåra i den noverande husleigeavtalen framleis gjelda.

Rådmannen sitt framlegg til vedtak:

Den noverande ordninga med tre månaders oppseiingstid i leigekontrakter for omsorgsbustader vert ikkje endra.

Punkt 4 i Samnanger kommune sine leigeavtalar for omsorgsbustader skal forståast slik at oppseiingstida gjeld frå dato til dato.

SAKNR. 028/2020: Høyringsframlegg til forskrift om økonomisk godtgjersle, dekking av utgifter m.m. for folkevalde i Samnanger kommune**03.09.2020 Formannskapet:**

Handsaming i møtet:

Rådmannen sitt framlegg vart samrøystes vedteke.

FORM- 028/2020 Vedtak:

Framlegg til forskrift om økonomisk godtgjersle, dekking av utgifter m.m. for folkevalde i Samnanger vert lagt ut til offentleg høyring på kommunen si heimeside. Høyringa skal òg kunngjerast i Samningen. Høyringsfrist vert 31.10.2020. Endeleg vedtak skal gjerast av kommunestyret 03.12.2020.

Rådmannen sitt framlegg til vedtak:

Framlegg til forskrift om økonomisk godtgjersle, dekking av utgifter m.m. for folkevalde i Samnanger vert lagt ut til offentleg høyring på kommunen si heimeside. Høyringa skal òg kunngjerast i Samningen. Høyringsfrist vert 31.10.2020. Endeleg vedtak skal gjerast av kommunestyret 03.12.2020.

SAKNR. 029/2020: Revisjon av delegeringsreglement for Samnanger kommune - framdriftsplan**03.09.2020 Formannskapet:**

Handsaming i møtet:

Rådmannen sitt framlegg vart samrøystes vedteke.

FORM- 029/2020 Vedtak:

Formannskapet sluttar seg til administrasjonen sitt forslag til prosess-/framdriftsplan for arbeidet med revisjon av delegeringsreglementet.

Rådmannen sitt framlegg til vedtak:

Formannskapet sluttar seg til administrasjonen sitt forslag til prosess-/framdriftsplan for arbeidet med revisjon av delegeringsreglementet.

SAKNR. 030/2020: Bruk av ekstratilskot i 2020 til vedlikehald, rehabilitering og oppgradering av kommunal infrastruktur

03.09.2020 Formannskapet:

Handsaming i møtet:

Innleiingsvis orienterte avdelingsleiar teknisk drift, Nils Jonny Skar, om saka og bakgrunnen for administrasjonen sitt framlegg til vedtak.

Ordførar Knut Harald Frøland (BI) stilte spørsmål om møtet burde lukkast under den vidare handsaminga av denne saka. Møtet vart lukka medan formannskapet drøfta dette spørsmålet. Møtet vart opna igjen før formannskapet røysta over spørsmålet om lukking av møtet. Det vart samrøystes vedteke å lukka møtet under den vidare handsaminga av saka, med heimel i kommunelova § 11-5, andre ledd.

Knut Harald Frøland sette fram følgjande framlegg til vedtak:

"Formannskapet ber om at det til kommunestyret sitt møte 16.09.2020 vert lagt fram meir informasjon om bakgrunnen for rådmannen sitt framlegg, eventuelle alternative løysingar og eventuelt alternativt framlegg til vedtak."

Knut Harald Frøland sitt framlegg vart samrøystes vedteke.

FORM- 030/2020 Vedtak:

Formannskapet ber om at det til kommunestyret sitt møte 16.09.2020 vert lagt fram meir informasjon om bakgrunnen for rådmannen sitt framlegg, eventuelle alternative løysingar og eventuelt alternativt framlegg til vedtak.

Rådmannen sitt framlegg til vedtak:

Ekstratilskotet på 1,1 millionar kroner som kommunen har fått i revidert nasjonalbudsjett 2020 vert disponert som følgjer:

1. Skifte av utvendig tak, nytt ventilasjonsanlegg og ombygging av el-tavle Reistadliane 39 (det gamle barnehagebygget i Nordbygda), kr 780 000, som følgje av nødvendig bruksendring til omsorgsbustad/utleigebustad.
2. Ventilasjon på ungdomsskulen. Samla kostnad for dette tiltaket vil vera ca. 1 million kroner. Kr. 320 000 av denne kostnaden vert finansiert av ekstratilskotet som kommunen har fått. Den resterande kostnaden på ca. 680 000 kroner vert finansiert av gjenståande investeringsmidlar til bygg avsett i budsjettet for 2020 (ca. 400 000 kroner) og omdisponering av unytta midla til opprusting av kommunale vegar som ligg inne i teknisk drift sitt investeringsbudsjett for 2020 (280 000 kroner).

Eventuelle restmidlar skal disponerast til utskifting av takvindauge på arbeidsrom på ungdomsskulen.

SAKNR. 031/2020: Heis på kommunehuset

03.09.2020 Formannskapet:

Handsaming i møtet:

Odd Arne Haga (Frp) sette fram framlegg om at vedtaket som formannskapet gjorde 28.05.2020 i sak 020/2020 om heis på kommunehuset, vert ståande.

Det vart under handsaminga klargjort av rådmann Ingebjørg Vamråk at lovreglar om universell utforming gjer at det er krav om tilgjenge for alle på kommunehuset. I utgangspunktet inneber dette at det er krav om heis i bygget, men dette vil ikkje vera eit absolutt krav dersom tilgjenge for alle kan løysast på andre måtar (utan heis).

Rådmannen sitt framlegg fekk 5 røyster. Odd Arne Haga sitt framlegg fekk 4 røyster.

FORM- 031/2020 Vedtak:

Bygging av heis på kommunehuset vert ikkje gjennomført i 2020. Heis på kommunehuset skal vurderast opp mot andre nødvendige bygnings-/vedlikehaldsmessige tiltak i budsjettprosessen for 2021.

Rådmannen sitt framlegg til vedtak:

Bygging av heis på kommunehuset vert ikkje gjennomført i 2020. Heis på kommunehuset skal vurderast opp mot andre nødvendige bygnings-/vedlikehaldsmessige tiltak i budsjettprosessen for 2021.

SAKNR. 032/2020: Branntankbil - Anbud og bestilling

03.09.2020 Formannskapet:

Handsaming i møtet:

Ordførar Knut Harald Frøland (BI) sette fram framlegg om å utsetja saka. Han bad òg om at administrasjonen til formannskapsmøtet i oktober legg fram ei grundigare saksutgreiing, med vurdering av eit alternativ med kjøp av brukt branntankbil.

Utsetjingsramlegget til Knut Harald Frøland vart samrøystes vedteke.

FORM- 032/2020 Vedtak:

Saka vert utsett.

Rådmannen sitt framlegg til vedtak:

Samnanger kommune bestiller ny branntankbil i løpet av 2020 i samarbeid med Bergen brannvesen, jf KS-vedtak sak 96/19.

Midlar til kjøpet vert lagt inn i investeringsbudsjettet for 2021. Utgangspunktet for budsjetteringa er at fylkeskommunen vil dekkja om lag 1 million kroner av den samla kostnaden på om lag 3,5 millionar kroner. Dersom fylkeskommunen ikkje dekkar ein slik del av kostnaden, må kommunestyret gje nødvendig tilleggsføring i 2021.

SAKNR. 033/2020: Statuttar for bruk av pengegåver til kommunal gåvekonto

03.09.2020 Formannskapet:

Handsaming i møtet:

Øyvind Strømmen (MDG) foreslo å ta vekk det nest siste avsnittet i framlegget til rådmannen. Med denne endringa vart rådmannen sitt framlegg til vedtak samrøystes vedteke.

FORM- 033/2020 Vedtak:

Det vert fastsett følgjande statuttar for kommunal gåvekonto oppretta av kommunestyret 18.06.2020 i sak 043/20:

Pengegåver som kjem inn til den kommunale gåvekontoen kan brukast til å dekkja følgjande utgifter:

1. Utgifter til juridisk bistand til vurdering av grunnlag for erstatningssøksmål mot personar eller instansar som har vore involverte i barnevernssakene som er granska av Barneadvokatene DA i 2019/2020.
2. Utgifter til eventuelt vidare arbeid med førebuing og gjennomføring av erstatningssøksmål mot nokon av partane som er nemnde i punkt 1.
3. Utgifter til etablering av eiga barnevernsteneste i Samnanger kommune.

Rådmannen får fullmakt til å disponera midlane på gåvekontoen slik det går fram ovanfor. Rådmannen skal rapportera til kommunestyret om bruken av midlar frå gåvekontoen.

Rådmannen sitt framlegg til vedtak:

Det vert fastsett følgjande statuttar for kommunal gåvekonto oppretta av kommunestyret 18.06.2020 i sak 043/20:

Pengegåver som kjem inn til den kommunale gåvekontoen kan brukast til å dekkja følgjande utgifter:

1. Utgifter til juridisk bistand til vurdering av grunnlag for erstatningssøksmål mot personar eller instansar som har vore involverte i barnevernssakene som er granska av Barneadvokatene DA i 2019/2020.
2. Utgifter til eventuelt vidare arbeid med førebuing og gjennomføring av erstatningssøksmål mot nokon av partane som er nemnde i punkt 1.
3. Utgifter til etablering av eiga barnevernsteneste i Samnanger kommune.

Dersom det står att midlar på gåvekontoen etter at utgiftene til punkt 1 til 3 ovanfor er betalt, kan restmidlane nyttast til å dekkja driftsutgifter for barnevernstenesta.

Rådmannen får fullmakt til å disponera midlane på gåvekontoen slik det går fram ovanfor. Rådmannen skal rapportera til kommunestyret om bruken av midlar frå gåvekontoen.

SAKNR. 034/2020: Vurdering av eventuell stemning med krav om erstatning mot tidlegare barnevernsleiar, fylkesnemnda og tingretten

03.09.2020 Formannskapet:

Handsaming i møtet:

Øyvind Røen (Sp) sette fram følgjande framlegg til vedtak:

"Samnanger kommune tek tilrådingane frå Advokatfirmaet Elden til følgje og saksøker ikkje tidlegare barnevernsleiar i Samnanger med krav om regress. Kommunen reiser heller ikkje søksmål mot staten.

Samnanger kommune merkar seg likevel dette avsnittet frå vurderinga til Advokatfirmaet Elden:

- Måten denne saken er fremmet på både med granskning og vurdering av søksmål mot den eller de ansvarlige, er imidlertid prisverdig og antas i seg selv å ha en preventiv effekt for å hindre fremtidig skade av samme karakter. Dette ved at både ledelse og ansatte nå også er klare over sitt mulige erstatningsrettslige ansvar ved grove feil under utførelsen av arbeidet, og at ikke det kan påregnes uten videre dekket av arbeidsgiver.

Samnanger kommune er svært nøgd med at Advokatfirmaet Elden sluttar til hovudkonklusjonane i sak 2 i granskingsrapporten til Andersland og Totland. Kommunen er samd i det Elden skriv, om at røynslene frå denne barnevernssaka må vera eit grunnlag for arbeidet til Samnanger barnevern i framtida.

Samnanger kommune vil òg understreka det Elden skriv om ansvaret som ligg på den øvste kommuneleiinga til å bruka styringsretten sin til å sikra kvalitet i barnevernet. Dette vil kommunen leggja som ein viktig premiss når eit nytt barnevern vert bygt opp i Samnanger.

Granskingane av barnevernet i Samnanger syner at det trengst gjennomgripande reformer i barnevernet på nasjonalt plan for å sikra kvalitet og rettstryggleik. Samnanger kommune vil oppmoda alle parti på Stortinget til å røysta for den breie granskinga av barnevernet som Senterpartiet har gjort framlegg om. På denne måten kan ein leggja eit godt grunnlag for dei endringane som må skje i barnevernet."

Øyvind Strømmen (MDG) bad om gruppemøte.

På bakgrunn av innspel frå Øyvind Strømmen under debatten, orienterte Øyvind Røen om at ordet "svært" kunne takast vekk frå det tredje avsnittet i framlegget hans.

Øyvind Strømmen sette fram følgjande framlegg til tilleggspunkt i forhold til Øyvind Røen sitt vedtaksframlegg:

"Samnanger kommune vil understreka at eit viktig tiltak vil vera ei autorisasjonsordning for barnevernstilsette."

Røysting

Etter gruppemøtet vart det røysta punktvis over framlegget til Øyvind Røen og tilleggsframlegget til Øyvind Strømmen:

Røysting over det første avsnittet i framlegget til Øyvind Røen
Samrøystes vedteke.

Røysting over det andre avsnittet i framlegget til Øyvind Røen
Vedteke med 6 mot 3 røyster.

For	Imot
Knut Harald Frøland (Bl)	Øyvind Strømmen (MDG)
Lena Tveit (Bl)	Shirin Kvernes Khadoor (Ap)
Martin Haugen (Bl)	Jon Magne Borgevik (Ap)
Gunn Totland Moss (Krf)	
Øyvind Røen (Sp)	
Odd Arne Haga (Frp)	

Røysting over det tredje avsnittet i framlegget til Øyvind Røen
Samrøystes vedteke.

Røysting over det fjerde og femte avsnittet i framlegget til Øyvind Røn, og Øyvind Strømmen sitt tilleggssframlegg

Vedteke med 8 mot 1 røyst. Odd Arne Haga (Frp) røysta imot.

FORM- 034/2020 Vedtak:

Samnanger kommune tek tilrådingane frå Advokatfirmaet Elden til følge og saksøkkjer ikkje tidlegare barnevernsleiar i Samnanger med krav om regress. Kommunen reiser heller ikkje søksmål mot staten.

Samnanger kommune merkar seg likevel dette avsnittet frå vurderinga til Advokatfirmaet Elden:

- *Måten denne saken er fremmet på både med granskning og vurdering av søksmål mot den eller de ansvarlige, er imidlertid prisverdig og antas i seg selv å ha en preventiv effekt for å hindre fremtidig skade av samme karakter. Dette ved at både ledelse og ansatte nå også er klare over sitt mulige erstatningsrettslige ansvar ved grove feil under utførelsen av arbeidet, og at ikke det kan påregnes uten videre dekket av arbeidsgiver.*

Samnanger kommune er nøgd med at Advokatfirmaet Elden sluttar til hovudkonklusjonane i sak 2 i granskingsrapporten til Andersland og Totland. Kommunen er samd i det Elden skriv, om at røynslene frå denne barnevernssaka må vera eit grunnlag for arbeidet til Samnanger barnevern i framtida.

Samnanger kommune vil òg understreka det Elden skriv om ansvaret som ligg på den øvste kommuneleiinga til å bruka styringsretten sin til å sikra kvalitet i barnevernet. Dette vil kommunen leggja som ein viktig premiss når eit nytt barnevern vert bygt opp i Samnanger.

Granskingane av barnevernet i Samnanger syner at det trengst gjennomgripande reformer i barnevernet på nasjonalt plan for å sikra kvalitet og rettstryggleik. Samnanger kommune vil oppmoda alle parti på Stortinget til å røysta for den breie granskinga av barnevernet som Senterpartiet har gjort framlegg om. På denne måten kan ein leggja eit godt grunnlag for dei endringane som må skje i barnevernet.

Samnanger kommune vil understreka at eit viktig tiltak vil vera ei autorisasjonsordning for barnevernstilsette.

Rådmannen sitt framlegg til vedtak:

Saka vert lagt fram utan tilråding frå rådmannen.

SAKNR. 035/2020: Plan og budsjett til førebuingsfasen for å byggja opp eige barnevern i Samnanger

03.09.2020 Formannskapet:

Handsaming i møtet:

Ordførar Knut Harald Frøland (BI) sette fram følgjande framlegg til vedtak:

"På bakgrunn av kommunestyret sitt vedtak 18.06.2020 i sak 042/20 skal det etablerast nytt barnevern/familievern i Samnanger med verknad frå 01.06.2021. Til det førebuande arbeidet vert det sett ned eit arbeidsutval med følgjande medlemmer:

- *Ordførar Knut Harald Frøland - leiar, Bygdalista*
- *Varaordførar Øyvind Røen - Sp*
- *Shirin Kvernes Khadoor - Ap*
- *Øyvind Strømmen - MDG*
- *Rådmann Ingebjørg Vamråk*
- *NN Representant organisasjonen Samnanger kommune- rådmannen avgjer*
- *NN Representant organisasjonen Samnanger kommune- rådmannen avgjer*
- *NN Tillitsvald organisasjon Samnanger kommune*
- *Anders Opsahl - politikontakt Samnanger kommune*
- *Sekretær- rådmannen avgjer*

Det vert løyvd inntil 160.000 kroner til arbeidsutvalet sitt arbeid, med finansiering frå disposisjonsfondet.

Framlegg til modell for nytt barnevern/ familievern skal politisk handsamast av formannskap og kommunestyre. Framlegg skal leggjast fram i formannskapsmøtet 12.11.2020.

Arbeid med rekruttering av tilsette til nytt barnevern/ familievern skal sjåast i lys av framdrift i arbeidsutvalet sitt arbeid.

Arbeidsutvalet v/ leiar rapporterer til formannskapet.

Nytt barnevern/ familievern skal inngå i rådmannen sitt framlegg til budsjett for 2021. Dette må og omfatta eventuelle kostnader til kontorlokale."

Knut Harald Frøland sitt framlegg vart samrøystes vedteke.

FORM- 035/2020 Vedtak:

På bakgrunn av kommunestyret sitt vedtak 18.06.2020 i sak 042/20 skal det etablerast nytt barnevern/familievern i Samnanger med verknad frå 01.06.2021. Til det førebuande arbeidet vert det sett ned eit arbeidsutval med følgjande medlemmer:

- Ordførar Knut Harald Frøland - leiar, Bygdalista
- Varaordførar Øyvind Røen - Sp
- Shirin Kvernes Khadoor - Ap
- Øyvind Strømmen - MDG
- Rådmann Ingebjørg Vamråk
- NN Representant organisasjonen Samnanger kommune- rådmannen avgjer
- NN Representant organisasjonen Samnanger kommune- rådmannen avgjer
- NN Tillitsvald organisasjon Samnanger kommune
- Anders Opsahl - politikontakt Samnanger kommune
- Sekretær- rådmannen avgjer

Det vert løyvd inntil 160.000 kroner til arbeidsutvalet sitt arbeid, med finansiering frå disposisjonsfondet.

Framlegg til modell for nytt barnevern/ familievern skal politisk handsamast av formannskap og kommunestyre. Framlegg skal leggjast fram i formannskapsmøtet 12.11.2020.

Arbeid med rekruttering av tilsette til nytt barnevern/ familievern skal sjåast i lys av framdrift i arbeidsutvalet sitt arbeid.

Arbeidsutvalet v/ leiar rapporterer til formannskapet.

Nytt barnevern/ familievern skal inngå i rådmannen sitt framlegg til budsjett for 2021. Dette må og omfatta eventuelle kostnader til kontorlokale.

Rådmannen sitt framlegg til vedtak:

På bakgrunn av kommunestyret sitt vedtak 18.06.2020 i sak 042/20 skal det etablerast eige barnevern/familievern i Samnanger med verknad frå 01.06.2021.

Prosessen med tilsetting av leiar for tenesta skal starta snarast råd. Leiaren skal vera prosjektleiar for arbeidet med etablering av eige barnevern/familievern.

Rådmannen får høve til å nytta rekrutteringsbyrå i arbeidet med rekruttering av leiar for barneverntenesta. Det vert løyvd inntil 160 000 kroner til rekrutteringsprosessen inkludert stillingsannonsering, med finansiering frå disposisjonsfondet.

Rådmannen får òg høve til å bruka ekstern konsulenthjelp for inntil 50 000 kroner til planlegging og oppstart av barneverntenesta, med finansiering frå disposisjonsfondet.

Framlegg til budsjett for barneverntenesta i 2021 må inngå i rådmannen sitt framlegg til budsjett 2021 for Samnanger kommune. Dette må òg omfatta eventuelle kostnader til kontorlokale.

SAKNR. 036/2020: Premiss budsjett 2021 og økonomiplan 2021-2024

03.09.2020 Formannskapet:

Handsaming i møtet:

Formannskapet bad om at rådmannen gir utfyllande informasjon saka i kommunestyret 16.09.2020.

Det vart røysta punktvis over rådmannen sitt framlegg.

Punkt 1, 2, 4, 5 og 7 i rådmannen sitt framlegg vart samrøystes vedteke.

Punkt 3 i rådmannen sitt framlegg vart ikkje vedteke. 4 medlemmer røysta for og 4 røysta imot dette punktet. Ordføraren si røyst vart då avgjerande.

For	Imot
Lena Tveit (Bl)	Knut Harald Frøland (Bl)
Martin Haugen (Bl)	Gunn Totland Moss (Krf)
Shirin Kvernes Khadoor (Ap)	Jon Magne Borgevik (Ap)
Øyvind Strømmen (MDG)	Odd Arne Haga (Frp)

Punkt 6 i rådmannen sitt framlegg vart vedteke med 5 mot 3 røyster.

For	Imot
Lena Tveit (Bl)	Knut Harald Frøland (Bl)
Martin Haugen (Bl)	Odd Arne Haga (Frp)
Shirin Kvernes Khadoor (Ap)	Gunn Totland Moss (Krf)
Jon Magne Borgevik (Ap)	
Øyvind Strømmen (MDG)	

FORM- 036/2020 Vedtak:

- Det skal i 2021-budsjettet vera ei avsetjing på 1 million kroner til disposisjonsfondet.
- Korrigerte netto driftsutgifter i % av netto driftsresultat: mål 1,75 % i 2021
- Disposisjonsfondet skal liggja på om lag 15 millionar kroner ved utgangen av økonomiplanperioden.
- Med utgangspunkt i Covid 19 som me er berørte av i 2020 og 2021, legg me opp til eit mellombels auka kostnadsnivå i 2021 i dei mest berørte einingane/avdelingane (Helse, Pleie og omsorg, Reinhald).
- Det må utgreiast ein heilheitleg plan på oppvekstsektoren, der 1-10 skule, sammanslåing av barnehagane og fleirbrukshall/idrettshall skal sjåast på under eitt.
- Nødvendige reduksjonar i bemanninga i kommunen i økonomiplanperioden skal så langt som mogleg løysast med naturleg avgang.

Rådmannen sitt framlegg til vedtak:

- Det skal i 2021-budsjettet vera ei avsetjing på 1 million kroner til disposisjonsfondet.
- Korrigerte netto driftsutgifter i % av netto driftsresultat: mål 1,75 % i 2021
- Kommunen skal jobba for å få ned lånegjelda i økonomiplanperioden. Lånegjelda skal ikkje overstiga 240 millionar kroner i økonomiplanperioden.
- Disposisjonsfondet skal liggja på om lag 15 millionar kroner ved utgangen av økonomiplanperioden.
- Med utgangspunkt i Covid 19 som me er berørte av i 2020 og 2021, legg me opp til eit mellombels auka kostnadsnivå i 2021 i dei mest berørte einingane/avdelingane (Helse, Pleie og omsorg, Reinhald).
- Det må utgreiast ein heilheitleg plan på oppvekstsektoren, der 1-10 skule, sammanslåing av barnehagane og fleirbrukshall/idrettshall skal sjåast på under eitt.
- Nødvendige reduksjonar i bemanninga i kommunen i økonomiplanperioden skal så langt som mogleg løysast med naturleg avgang.